

AKTI I THEMELIT DHE STATUTI I SHOQËRISË

Albanian Odyssey SHPK

Sot në Tiranë, në datë 26.06.2023, ne hartuesit dhe nënshkruesit e këtij Akt Themelimi dhe Statuti, të bindur në vlerat dhe cilësitë njerëzore dhe profesionale të gjithësecilit prej nesh, me qëllimin për të krijuar, zhvilluar dhe ofruar në treg një paketë shërbimesh cilësore, innovative dhe multidimensionale në fushëm e Turizmit, në zbatim të përcaktimeve ligjore të bëra në Ligjin nr. 9901, datë 14.04.2008 "Për tregtarët dhe shoqëritë tregtare", i ndryshuar; me vullnetin tonë të lirë dhe në zotësi të plotë juridike për të vepruar; biem dakord ne krijimin e kësaj shoqërie tregtare, si më poshtë:

KAPITULLI – I DISPOZITA TË PËRGJITHSHME

Neni 1 Emërtimi i Shoqërisë

- 1.1 Emri i plotë i shoqërisë tregtare është: "Albanian Odyssey" SHPK, referuar në vijim si "Shoqëria".
- 1.2 Logo, vula dhe çdo elemnt tjetër dallues që lidhet me imazhin, vërtetësinë dhe sigurinë e dokumentacionit të Shoqërisë, miratohen me vendim të Asamblesë së Përgjithshme të Ortakëve.

Neni 2 Baza dhe forma ligjore

- 2.1 Shoqëria është themeluar, organizuar dhe ushtron veprimtarinë e saj në zbatim të përcaktimeve të bëra në këtë Statut, në Ligjin nr. 9901, date 14.04.2008 "Për tregtarët dhe shoqëritë tregtare", i ndryshuar, si dhe në kuadrin përkatës rregullator në fuqi në Republikën e Shqipërisë.
- 2.2 Shoqëria është person juridik, Shoqëri me Përgjegjësi të Kufizuar (SHPK), ku përgjegjësia e çdo ortaku të kësaj shoqërie kufizohet në shumën përkatëse të kontributeve të tyre në kapitalin themeltar të Shoqërisë.
- 2.3 Shoqëria mund të shndërrohet në të ardhmen në një formë tjetër ligjore, në përputhje me përcaktimet e bëra në këtë Statut si dhe në kuadrin përkatës rregullator në fuqi në Republikën e Shqipërisë.

1

Neni 3 Selia

- 3.1 Selia e Shoqërisë është në adresën: “ Rr. Frosina Plaku”, pallati 21, kati 1, zyra nr. 2
- 3.2 Adresa e faqes së internetit të shoqërisë është: www.albanianodyssey.com
- 3.3 Me vendim të Asamblesë së Përgjithshme të Ortakëve, Shoqëria mund të ndryshojë adresën e selisë së saj, si dhe mund të krijojë, të vendosë në operim funksional, të pezullojë apo të mbyllë edhe degë, filiale, pika pune, agjenci, zyra përfaqësimi dhe lloje të tjera zyrash sekondare, brenda apo jashtë territorit të Republikës së Shqipërisë.

Neni 4 Ortakët

- 4.1 Ortakët themelues të Shoqërisë janë:
 - (1) z. Ilir KENA, shtetas Shqiptar me zotësi të plotë juridike për të vepruar, i lindur më datë 09.08.1987 në Tiranë, Shqipëri; banues në adresën: “Rr. Medar Shtylla”, kulla 4, ap. 55, Tiranë, Shqipëri; mbajtës i Letërnjoftimit me Nr. 037318604;
 - (2) z. Adrian MITROVASILI, shtetas Shqiptar me zotësi të plotë juridike për të vepruar, i lindur më datë 04.10.1976 në Tiranë, Shqipëri; banues në adresën “Rr. Frosina Plaku”, pallati 21, ap. 13; mbajtësi i Letërnjoftimit me Nr. 035248500
 - (3) z. Anduel GURI, shtetas Shqiptar me zotësi të plotë juridike për të vepruar, i lindur më datë 01.07.1987 në Berat, Shqipëri; banues në adresën: Via Vincenzo Brunacci 57, Cap 00146, Romë, Itali; mbajtësi i Pasaportës me Nr. BI2744590

Neni 5 Objekti i veprimtarisë

- 5.1 Objekti kryesor i veprimtarisë së Shoqërisë është operimi në fushën e turizmit si Operator Turistik dhe Agjenci Udhetimi. Manaxhim destinacioni turistik. Organizmi dhe shitja e paketave turistike. Udhëtime turistike brenda dhe jashtë vendit për shtetas Shqiptar dhe të huaj. Shitje/blerje bileta avioni, trageti, autobusi dhe/apo të mjeteve të ndryshme të organizimit të udhetimeve. Shitje/blerje bileta për evente të ndryshme sportive, kulturore, artistike etj. Organizim i eventeve , konferencave , seminareve. Botimi i udhëzuesve, katalogëve, hartave dhe broshurave. Konsulencë dhe ndërmjetësim që lidhen me objektin e veprimtarisë së shoqërisë. Shitje/blerje/dhënie me qera të pajisjeve audio guida. Shitje/blerje/dhënie me qera të automjeteve. Tregtimi i suvenireve dhe produkteve artizanale.
- 5.2 Perveç objektit kryesor të veprimtarisë së saj, Shoqëria mund të kryejë edhe çdo aktivitet tjetër biznesi i cili nuk është i ndaluar nga legjisllacioni i zbatueshëm në Republikën e Shqipërisë.
- 5.3 Objekti i veprimtarisë së Shoqërisë mund të ndryshohet me vendim të Asamblesë së Përgjithshme të Ortakëve dhe në përputhje me përcaktimet e bëra në këtë Statut si dhe në kuadrin përkatës rregullator në fuqi në Republikën e Shqipërisë.



Neni 6
Kohëzgjatja

- 6.1 Kohëzgjatja e Shoqërisë është me afat të pacaktuar dhe fillon që nga data e regjistrimit të saj në Regjistrin Tregëtar në Qendrën Kombëtare të Biznesit (QKB), moment në të cilin Shoqëria fiton dhe personalitetin e saj juridik.

KAPITULLI – II
KAPITALI THEMELTAR DHE KUOTAT

Neni 7

Vlera e regjistruar e kapitalit themeltar dhe vlera nominale e kuotave

- 7.1 Kapitali themeltar i shoqërisë është: 10.000 (dhjetëmijë) LEK (ALL)
- 7.2 Kapitali themeltar i shoqërisë përbëhet nga 3 (tre) kuota, të paguara nga dhe në pronësi të Ortakëve të Shoqërisë, si më poshtë:
- (1) z. Ilir KENA, zotërues i 1 (një) kuote, me vlerë nominale 3000 LEK (ALL), e cila përfaqëson 30 përqind të kapitalit të Shoqërisë;
 - (2) z. Adrian MITROVASILI, zotërues i 1 (një) kuote, me vlerë nominale 4000 LEK (ALL), e cila përfaqëson 40 përqind të kapitalit të Shoqërisë;
 - (3) z. Anduel GURI, zotërues i 1 (një) kuote, me vlerë nominale 3000 LEK (ALL), e cila përfaqëson 30 përqind të kapitalit të Shoqërisë;
- 7.3 Secila kuotë është e pandashme në raport me Shoqërinë e cila njih vetëm një zotërues për secilën kuotë.
- 7.4 Çdo kuotë përfaqëson një votë në Asamblenë e Përgjithshme të Ortakëve.
- 7.5 Për çdo kuotë Shoqëria mund të lëshojë një certifikatë kuote.
- 7.6 Shoqëria mban në selinë e saj, një regjistër të veçantë, të krijuar dhe rifreskuar vazhdimisht nga njëri prej Administratorëve të Shoqërisë, në të cilin evidentohen certifikatat e lëshuara në lidhje me kuotat dhe transferimet që mund ti kenë ndodhur atyre.

Neni 8

Të drejtat dhe detyrimet që lidhen me pronësinë mbi kuotat

- 8.1 Të drejtat dhe detyrimet e Ortakëve, të cilat rrjedhin nga zotërimi i kuotës/kuotave të shoqërisë, fillojnë që nga moment i zotërimit të kuotës/kuotave dhe shuhet që në momentin e humbjes së zotërimit të kuotës/kuotave, për aq sa nuk është përcaktuar ndryshe në Statutin e Shoqërisë.

Te drejtat



- 8.2 Ortakët e Shoqërisë gëzojnë dhe mund të ushtrojnë në mënyrë të pakufizuar këto të drejta:
- (1) të drejtën për tu informuar/njoftuar në lidhje me aktivitetin/axhendën e mbledhjeve/vendimmarrjen e Asamblesë së Përgjithshme të Ortakëve
 - (2) të drejtën për të marrë pjesë dhe votuar në mbledhjet e Asamblesë së Përgjithshme të Ortakëve
 - (3) të drejtën për të inspektuar librat e llogarive të Shoqërisë dhe çdo dokument tjetër shkresor apo elektronik, të prodhuara nga Shoqëria apo administrua prej saj;
 - (4) të drejtën për të kërkuar dhe marrë informacion, nga Administratorët apo çdo punonjës tjetër i Shoqërisë, në lidhje me menaxhimin e Shoqërisë dhe aktivitetin e tyre;
 - (5) të drejtën për të kandiduar dhe zgjedhur në pozicione menaxheriale në Shoqëri;
 - (6) të drejtën për të marrë pjesë në ndarjen e fitimeve të Shoqërisë;
 - (7) si dhe çdo të drejtë tjetër të përcaktuar për ta në: Ligjin nr. 9901, datë 14.04.2008 "Për tregtarët dhe shoqëritë tregtare", i ndryshuar, apo në kuadrin përkatës rregullator në fuqi në Republikën e Shqipërisë.

Detyrimet

- 8.3 Ortakët janë të detyruar të ruajnë sekretin dhe konfidencialitetin e fakteve, informacioneve dhe dokumentave shkresore apo elektronike, që lidhen me Shoqërinë dhe veprimtarinë e saj, të cilat në rast se përhapen dhe i bëhen me dije në çfarëdolloj forme palëve të treat, mund të dëmtojnë interesat e shoqërisë. Mosrespektimi i këtij detyrimi i ngarkon ata me përgjegjisi dhe detyrimin e kompesimit të Shoqërisë për dëmet e shkaktuara asaj si pasojë e përhapjes së këtyre fakteve, informacioneve dhe dokumentacioneve.
- 8.4 Detyrimet që mund të lindin nga zotërimi i kuotave sigurohen vetëm nga vlera e kapitalit themeltar të Shoqërisë dhe Ortakët janë përgjegjës deri në vlerën e kuotës që ata zotërojnë.
- 8.5 Të ardhurat, llogaritë financiare dhe asetet e Shoqërisë, nuk mund të ngarkohen me detyrime që rrjedhin nga detyrimet apo përgjegjësitë e tjera personale të Ortakëve dhe as të përdoren për shlyerjen e tyre.

Neni 9 Transferimi i kuotave

- 9.1 Në rastin kur çdonjëri prej Ortakëve të Shoqërisë, dëshiron të shesë apo transferojë në çfarëdolloj mënyre tjetër të ligjshme pronësinë mbi kuotën/kuotat, totalisht apo pjesërisht, apo të tërhiqet nga Shoqëria, Ortaku ka detyrimin që kuotën/kuotat t'ia ofrojë fillimisht për shitje Ortakëve të tjerë të Shoqërisë, në një vlerë të barabartë me vlerën e tyre nominale, duke qënë i lirë në përzgjedhjen e rradhës së tyre. Vetëm në rast të refuzimit të blerjes së kuotës/kuotave nga ana e secilit prej Ortakëve, atëherë kuota/kuotat mund ti ofrohen për shitje apo transferohen në çfarëdolloj mënyre tjetër të ligjshme, palëve të treta (persona fizik apo juridik), të cilët gjithsesi e fitojnë pronësinë mbi kuotën/kuotat vetëm pasi të jetë dhënë me vendim edhe miratimi i Asamblesë së Përgjithshme të Ortakëve.
- 9.2 Në rastin fatkeq të vdekjes së ndonjërit prej Ortakëve, të drejtat, detyrimet, përfitimet dhe çfarëdolloj benefiti tjetër dhënë apo premtuar atij zyrtarisht nga Shoqëria, duke përfshirë



këtu dhe pronësinë mbi kuotën/kuotat, i kalojnë trashëgimtarëve të tij të ligjshëm, të cilët në rast se dëshirojnë që të shesin kuotën/kuotat e përfituara përmes trashëgimisë apo të transferojnë ato në çfarëdolloj mënyre tjetër të ligjshme, duhet të respektojnë dhe zbatojnë përcaktimet e mësipërme të bëra në pikën 9.1, të nenit 9, të këtij Statuti.

- 9.3 Çdo shitje apo transferim i çfarëdolloj mënyre tjetër i kuotës/kuotave që nuk respekton dhe/apo bie ndesh me përcaktimet e mësipërme, të bëra në pikën 9.1 dhe 9.2, të nenit 9, të këtij Statuti, do të konsiderohet si e pavlefshme, dhe Shoqëria si dhe Ortakët e tjerë të saj nuk do të ngarkohen me asnjë përgjegjësi dhe detyrim që do të lind në këtë rast nga procesi i paligjshëm i shitjes/transferimit.

Neni 10

Shtimi dhe pakësimi i kapitalit themeltar

- 10.1 Kapitali themeltar i Shoqërisë mund të shtohet përmes vendimmarrjes së Asamblesë së Përgjithshme të Ortakëve në lidhje me:
- (1) shtimin e një kuote tjetër të re, me të njëjtën vlerë apo vlerë të ndryshme nominale nga kuotat e tjera ekzistuese, e cila duhet patjetër që të blihet më pas ose nga njëri prej Ortakëve ekzistues në respektim të të drejtës së tyre të parablerjes, ose nga një Ortak i ri i cili mund ta blejë këtë kuotë pas refuzimit të së drejtës së parablerjes së të gjithë Ortakëve ekzistues dhe i cili i fiton të drejtat e tij si Ortak dhe si pronar i kuotës vetëm pas miratimit paraprak me vendim të Asamblesë së Përgjithshme të Ortakëve;
 - (2) shtimin e vlerës nominale së kuotave ekzistuese;
 - (3) shtimin e kontributeve në natyrë, të cilat në çdo rast duhet të shoqërohen me një raport vlerësimi të kryer nga një ekspert i kontraktuar nga Shoqëria;
 - (4) zbatimin e çdo mënyre tjetër të lejuar nga kuadri përkatës rregullator në fuqi në Republikën e Shqipërisë.
- 10.2 Kapitali themeltar i Shoqërisë mund të pakësohet përmes vendimmarrjes së Asamblesë së Përgjithshme të Ortakëve në lidhje me:
- (1) pakësimin e numrit të kuotave;
 - (2) pakësimin e vlerës nominale të kuotës;
 - (3) zbatimin e çdo mënyre tjetër të lejuar nga ligji.

KAPITULLI – III ORGANIZIMI I SHOQËRISË

Neni 11

Organet drejtuese të Shoqërisë

- 11.1 Organet drejtuese të Shoqërisë janë:
- (1) Asambleja e Përgjithshme e Ortakëve;
 - (2) Administratori/Administratorët.

Neni 12

Organet drejtuese të Shoqërisë

- 12.1 Asambleja e Përgjithshme e Ortakëve përbëhet nga të gjithë Ortakët e Shoqërisë. Asambleja e Përgjithshme e Ortakëve është organi dhe autoriteti më i lartë vendimmarrës i Shoqërisë
- 12.2 Asambleja e Përgjithshme e Ortakëve drejtohet nga Kryetari i Asamblesë së Përgjithshme të Ortakëve i cili duhet të jetë patjetër njëri prej Ortakëve të Shoqërisë. Kryetari i Asamblesë së Përgjithshme të Ortakëve zgjidhet me unanimitet votash të të gjithë anëtarëve të Asamblesë së Përgjithshme të Ortakëve, për një mandate 5 (pesë) vjeçar me të drejtë të pakufizuar rizgjedhjeje. Kryetari i Asamblesë së Përgjithshme të Ortakëve mund të shkarkohet në çdo kohë, me apo pa arsye, me shumicë të zakonshme të votive të të gjithë anëtarëve të Asamblesë së Përgjithshme të Ortakëve dhe në rastin kur Shoqëria ka vetëm 2 (dy) Ortakë me votën e njërit prej tyre.
- 12.3 Si rregull i përgjithshëm, çdo vendim i Asamblesë së Përgjithshme të Ortakëve merret në prezencë të të gjithë anëtarëve të Asamblesë dhe vetëm nëse ata shprehin unanimisht, përmes votës së tyre, të njëjtin qëndrim. Përrjashtim nga ky rregull përbëjnë rastet e parashikuara ndryshe në këtë Statut apo dhe në Ligjin nr. 9901, datë 14.04.2008 "Për tregtarët dhe shoqëritë tregtare", i ndryshuar, të cilat specifikojnë limite të tjera të kuorumit të pjesëmarrjes dhe votimit në Asamblenë e Përgjithshme të Ortakëve.
- 12.4 Në rastet e ekzistencës së më shumë se dy Ortakëve në Shoqëri, me kërkesë të çdonjërit prej tyre, Asambleja e Përgjithshme kalon automatikisht në procedurë të votimit të fshehtë për marrjen e vendimeve të caktuara.
- 12.5 Kryetari i Asamblesë së Përgjithshme të Ortakëve, krijon, mban dhe azhuron Regjistrin e Vendimeve të Asamblesë së Përgjithshme të Ortakëve, përmbajtja e të cilit nuk mund të fshihet ose ndryshohet dhe në të cilin regjistrohen çdo vendim i Asamblesë së Përgjithshme të Ortakëve dhe në vençati;
- (1) vendimet mbi pasqyrat financiare dhe raportet e ecurisë së veprimtarisë së Shoqërisë;
 - (2) vendimet mbi shpërndarjen e fitimeve vjetore dhe mbulimin e humbjeve të Shoqërisë;
 - (3) vendimet për rritjen dhe zvogëlimin e kapitalit themeltar të Shoqërisë;
 - (4) vendimet në lidhje me investimet e Shoqërisë;
 - (5) vendimet në lidhje me riorganizimin/prishjen e Shoqërisë.
- 12.6 Çdo vendim i Asamblesë së Përgjithshme të Ortakëve i cili nuk është i regjistruar në Regjistrin e Vendimeve është dhe do të kondiserohet si absolutisht i pavlefshëm.

Neni 13

Kompetencat dhe përgjegjësitë e Asamblesë së Përgjithshme të Ortakëve

- 13.1 Asambleja e Përgjithshme e Ortakëve ka për kompetencë dhe përgjegjësi:
- (1) të miratojë/ndryshojë/amendojë Statutin e Shoqërisë;
 - (2) të miratojë/ndryshojë/amendojë rregullore specifike të Shoqërisë;
 - (3) të marrë vendime në lidhje me ndryshimin e adresës së selisë së Shoqërisë apo ngritjen, vënien në operim funksional, pezullimin apo mbylljen e degëve, filialeve,

- pikave të punës, agjencive, zyrave të përfaqësimit dhe llojeve të tjera të zyrave sekondare të Shoqërisë, brenda apo jashtë territorit të Republikës së Shqipërisë;
- (4) të emërojë, pezullojë, shkarkojë, dhe shpërblejë Kryetarin e Asamblesë së Përgjithshme të Ortakëve të Shoqërisë;
 - (5) të emërojë, pezullojë, shkarkojë, dhe shpërblejë Administratorët e Shoqërisë
 - (6) të marrë vendime në lidhje me shtimin/pranimin e Ortakëve të tjerë në Shoqëri dhe kuotat e tyre përkatëse;
 - (7) të caktojë/emërojë, pezullojë, shkarkojë/tërheqë, dhe shpërblejë (nëse ka dhe duhet të ketë) audituesit, likuiduesit, dhe/apo ekspertët kontabël të Shoqërisë;
 - (8) të marrë vendime në lidhje me shkrijen, bashkimin, riorganizimin, ndarjen, shpërbërjen, prishjen, transformimin ose shndërrimin e formës së saj ligjore, apo likuidimin e Shoqërisë;
 - (9) të marrë vendime në lidhje me përmbajtjen, lidhjen, pezullimin apo ndërprerjen e kontratave që Shoqëria lidh me Partnerët e saj dhe/apo palët e treta;
 - (10) të shqyrtojë dhe vendosë për të marrë masa konkrete përsa i përket kryerjes së hetimeve të posaçme, rishikimit dhe mbikëqyrjes së punës/shërbimit të kryer nga punonjësit, Administratorët, dhe/apo Partnerët e Shoqërisë, dhe palët e treta në marrëdhënie kontraktore me Shoqërinë;
 - (11) të caktojë me prokurë përfaqësues të Shoqërisë për çështje/aktivitete të ndryshme;
 - (12) të marrë vendime në lidhje me përfaqësimin e Shoqërisë në procedurat gjyqësore ku Shoqëria është palë;
 - (13) të përfaqësojë Shoqërinë në procedurat ligjore, administrative apo gjyqësore, kundër Administrative të Shoqërisë;
 - (14) të marrë/ushtrrojë/delegojë çdo kompetencë e cila nuk i është dhënë, nuk i është deleguar apo nuk mund të ushtrohet përkohësisht prej një organi/punonjësi tjetër të Shoqërisë;
 - (15) të marrë vendime në lidhje me dhe të ushtrojë çdo kompetencë/përgjegjësi tjetër që i njihet nga kuadri përkatës rregullator në fuqi në Republikën e Shqipërisë dhe/ose ky Statut;
 - (16) të marrë vendime në lidhje me përcaktimin e politikave tregtare të Shoqërisë dhe të mbikqyrë zbatimin e tyre nga ana e Administratorëve dhe/apo punonjësve të tjerë të Shoqërisë;
 - (17) të shqyrtojë/miratojë pasqyrat vjetore financiare dhe përfitimet/humbjet vjetore të Shoqërisë, të paraqitura nga Administratorët e Shoqërisë;
 - (18) të shqyrtojë/miratojë raportet e ecurisë së veprimtarisë së Shoqërisë, të paraqitura nga Administratorët e Shoqërisë;
 - (19) të shqyrtojë/miratojë buxhetin e vitit pasardhës të Shoqërisë;
 - (20) të shqyrtojë/miratojë draft vendimet e përgatitura nga Administratorët e Shoqërisë në lidhje me shpërndarjen/alokimin e fitimeve;
 - (21) të shqyrtojë/miratojë draft vendimet e përgatitura nga Administratorët e Shoqërisë në lidhje me mekanizmat që do të ndiqen për rikuperimin e humbjeve të Shoqërisë;
 - (22) të vendosë në lidhje me zmadhimin apo zvogelimin e kapitalit të Shoqërisë;
 - (23) të vendosë në lidhje me shtimin apo pakësimin e numrit të kuotave ekzistuese dhe vlerës së tyre nominale;
 - (24) të vendosë në lidhje me lirimin e kapitaleve rezervë;
 - (25) të marrë vendime në lidhje me dhënien me qira të aktivitetit/aktiviteteve të Shoqërisë apo asetëve të saj, si dhe të vendosë kufizime në lidhje me të drejtat e përdorimit të tyre nga qirramarrësit;
 - (26) të shqyrtojë pretendimet e ndryshme që mund të bëhen kundër Administratorëve, Partnerëve apo punonjësve të Shoqërisë, në lidhje me rimbursimin që duhet të bëhet nga ana e tyre për dëmet që ata i kanë shkaktuar Shoqërisë.

13.2 Për çështje që kanë të bëjnë me:

- (1) shakrkimin/pezullimin e Kryetarit të Asamblesë së Përgjithshme të Ortakëve, sipas përcaktimeve të bëra në pikën (4), të pikës 13.1, të nenit 13, të këtij Statuti;
- (2) shakrkimin/pezullimin e Administratorëve të Shoqërisë, sipas përcaktimeve të bëra në pikën (5), të pikës 13.1, të nenit 13 të këtij Statuti;
- (3) caktimin/emërimin (nëse ka dhe nëse do të duhet të ketë) të audituesve, likuiduesve, dhe/apo ekspertëve kontabël të Shoqërisë, sipas përcaktimeve të bëra në pikën (7), të pikës 13.1, të nenit 13, të këtij Statuti;
- (4) shqyrtimin dhe marrjen e masave konkrete përsa i përket kryerjes së hetimeve të posaçme, rishikimit dhe mbikëqyrjes së punës/shërbimit të kryer nga punonjësit Administratorët, dhe/apo Partnerët e Shoqërisë, dhe palët e treta në marrëdhënie kontraktore me Shoqërinë, sipas përcaktimeve të bëra në pikën (10), të pikës 13.1, të nenit 13, të këtij Statuti;

Asambleja e Përgjithshme e Ortakëve, në rastin e mosmarrjes së një unanimiteti, mund të marrë vendim edhe me shumicë të zakonshme të votive të të gjithë anëtarëve të Asamblesë së Përgjithshme të Ortakëve, ndërsa në rastin kur Shoqëria ka vetëm 2 (dy) Ortakë me votën e njërit prej tyre.

Neni 14

Mbledhjet e Asamblesë së Përgjithshme të Ortakëve

14.1 Kryetari i Asamblesë së Përgjithshme të Ortakëve dhe/apo Ortakët e Shoqërisë, thirret/thërrasin në mbledhje të zakonshme Asamblesë së Përgjithshme të Ortakëve, në rastet kur:

- (1) Ortakët duhet të vendosin në lidhje me një apo disa nga çështjet që janë në kompetencë dhe përgjegjësi të saj, sipas përcaktimeve të bëra në pikën 12.1, të nenit 12, të këtij Statuti;
- (2) zhvillimi i mbledhjes dhe/apo marrja e një vendimi është e domosdoshme për interesin e Shoqërisë;
- (3) në pasqyrat vjetore financiare ose dhe pasqyrat të tjera të përkohshme financiare të Shoqërisë, rezulton ose ekziton rreziku që Shoqëria ka humbur gjysmën e stokut të kapitalit;
- (4) në pasqyrat financiare ose dhe në pasqyra të tjera të përkohshme financiare të Shoqërisë, rezulton ose ekziton rreziku që aktivet e Shoqërisë nuk i mbulojnë detyrimet e kërkueshme brenda 3 (tre) muajve në vazhdim;
- (5) Shoqëria propozon të shesë apo të disponojë në ndonjë mënyrë tjetër, aktive të cilat kanë një vlerë më të lartë se 5 (pesë) përqind të asetëve të Shoqërisë, që rezultojnë në pasqyrat e fundit financiare të çertifikuara;
- (6) një gjë e tillë është përcaktuar nga kuadri përkatës rregullator në fuqi në Republikën e Shqipërisë apo ky Statut.

14.2 Asambleja e Përgjithshme e Ortakëve, zhvillon të paktën një herë në vit, mbledhje të zakonshme me qëllimin e shqyrtimit dhe marrjes së vendimeve në lidhje me:

- (1) pasqyrat vjetore financiare dhe përfitimet/humbjet e Shoqërisë përgjatë vitit të mëparshëm financiar; si dhe
- (2) buxhetin e vitit pasardhës.

14.3 Mbledhjet e zakonshme të Asamblesë së Përgjithshme të Ortakëve, zhvillohen duke i njoftuar paraprakisht të gjithë anëtarët e Asamblesë në lidhje me datën, vëndin, orën dhe axhendën e mbledhjes ku sqarohen çështjet që do të shqyrtohen dhe/apo votohen. Njoftimi duhet të dërgohet të paktën 7 (shtatë) ditë përpara datës së zhvillimit të mbledhjes së zakonshme, afat i cili mund

të jetë i ndryshueshëm në varësi të dakordësisë ndërmjet Administratorit/Administratorëve dhe anëtarëve të Asamblesë së Përgjithshme të Ortakëve.

- 14.4 Për nevoja të vërtetimit të autencitetit të dokumenteve të Shoqërisë si dhe për nevoja të zhvillimit të komunikimeve shkresore ose elektronike, Shoqëria administron në një regjistër të veçantë nënshkrimin zyrtar (firmën), shkrimin e emrit dhe mbiemrit, adresën zyrtare postare, adresën zyrtare të e-mailit, numrin zyrtar të telefonit mobile, dhe çdo informacion tjetër të nevojshëm të:
- (1) anëtarëve të Asamblesë së Përgjithshme të Ortakëve dhe përfaqësuesve të tyre me prokurë;
 - (2) Administratorëve të Shoqërisë;
 - (3) çdo punonjësi tjetër të Shoqërisë me detyra të rëndësishme ekzekutive dhe/apo menaxheriale.
- 14.5 Normalisht, mbledhjet e zakonshme të Asamblesë së Përgjithshme të Ortakëve do të zhvillohen në ambientet e selisë së Shoqërisë, përveç rasteve kur anëtarët e Asamblesë bien dakord paraprakisht për zhvillimin e mbledhjeve në një ambient tjetër.
- 14.6 Kryetari i Asamblesë së Përgjithshme të Ortakëve dhe secili prej Ortakëve apo Administratorëve, mund të kërkojnë në çdo kohë zhvillimin e një mbledhje të jashtëzakonshme të Asamblesë së Përgjithshme të Ortakëve. Në një rast të tillë, Kryetari i Asamblesë së Përgjithshme të Ortakëve, Ortaku, apo Administratori që ka kërkuar zhvillim e mbledhjes së jashtëzakonshme, duhet të njoftojë paraprakisht anëtarët e Asamblesë së Përgjithshme të Ortakëve në lidhje me:
- (1) arsyet e bërjes së një kërkesë të tillë për zhvillim e një mbledhje të jashtëzakonshme, si dhe
 - (2) datën, vendin, orën dhe axhendën e mbledhjes së jashtëzakonshme ku sqarohen çështjet që do të shqyrtohen dhe/apo votohen.
- 14.7 Në raste të veçanta dhe për arsye objektive, prezenca/vota e anëtarëve të Asamblesë së Përgjithshme të Ortakëve, në mbledhjet e zakonshme apo të jashtëzakonshme, mund të sigurohet/jepet edhe në mënyrë elektronike, fakt ky i cili duhet të evidentohet në shkresën e vendimit. Vendimet e marra nga Asambleja e Përgjithshme e Ortakëve në rastet kur njëri apo disa prej anëtarëve të saj kanë marrë pjesë dhe kanë shprehur votën e tyre përmes komunikimit elektronik, hyjnë në fuqi vetëm pas konfirmimit me e-mail të votës së tyre në lidhje me draft vendimin e diskutuar dhe propozuar për votim dhe të dërguar atyre më parë po me e-mail. Shkresa e vendimit të marrë nga Asambleja e Përgjithshme e Ortakëve në rastet kur njëri apo disa prej anëtarëve të saj kanë marrë pjesë dhe kanë shprehur votën e tyre përmes komunikimit elektronik, duhet të nënshkruhet nga ana e anëtarëve jo prenzet fizikisht, në momentin më të parë të mundshëm.
- 14.8 Në raste të veçanta dhe për arsye objektive prezenca dhe vota e anëtarëve të Asamblesë së Përgjithshme të Ortakëve, në mbledhjet e zakonshme apo të jashtëzakonshme, mund të sigurohet/jepet dhe përmes përfaqësuesve të tyre me prokurë, e cila duhet tu bëhet me dije të gjithë anëtarëve të tjerë të Asamblesë së Përgjithshme të Ortakëve përpara ose që në fillim të zhvillimit të mbledhjes së zakonshme apo të jashtëzakonshme.
- 14.9 Përfaqësimi me prokurë mund të jepet vetëm për një mbledhje të Asamblesë së Përgjithshme të Ortakëve, e cila përfshin edhe mbledhjet vijuese me të njëjtin rend dite.

14.10 Pas përfundimit të çdo mbledhje të zakonshme apo të jashtëzakonshme, të gjithë anëtarët e Asamblesë së Përgjithshme të Ortakëve, duhet të nënshkruajnë procesverbalin e mbledhjes, ku evidentohen në mënyrë të detajuar:

- (1) data, vendi dhe ora e mbledhjes;
- (2) fakti nëse mbledhja është e zakonshme apo e jashtëzakonshme;
- (3) personin që ka bërë thirrjen e mbledhjes;
- (4) pjesëmarrësit fizik dhe/apo pjesëmarrësit përmes komunikimit elektronik në mbledhje;
- (5) axhenda e mbledhjes, ku specifikohen çështjet e shtruara për diskutim/votim;
- (6) dokumentet shkresorë apo elektronikë të marra në shqyrtim para apo gjatë zhvillimit të mbledhjes;
- (7) fjala e thënë nga çdo pjesëmarrës në mbledhje;
- (8) vendimet dhe votat e marra/dhëna në mbledhje nga secili prej anëtarëve të Asamblesë apo përfaqësuesi i tyre me prokurë.
- (9) emrin, mbiemrin, funksionin dhe nënshkrimin e personit që ka mbajtur dhe ka hartuar procesverbalin e mbledhjes;
- (10) nënshkrimin e Kryetarit dhe anëtarëve të Asamblesë së Përgjithshme të Ortakëve, si dhe të personave të tjerë pjesëmarrës në mbledhje

Procesverbali i mbledhjes i dërgohet në formë shkresore dhe/apo me e-mail çdo anëtar i Asamblesë së Përgjithshme të Ortakëve, brenda 14 (katërmëdhjet) ditëve nga data e zhvillimit të mbledhjes.

14.11 Në raste të veçanta dhe për arsye objektive, anëtarët e Asamblesë së Përgjithshme të Ortakëve, mund të marrin vendime edhe pa zhvilluar procedurat e mbledhjeve të zakonshme apo të jashtëzakonshme, duke nënshkruar gjithsecili draftin e vendimit të përgatitur nga:

- (1) Administratorët e Shoqërisë;
- (2) secili nga Ortakët e Shoqërisë, apo
- (3) Kryetari i Asamblesë së Përgjithshme të Ortakëve.

14.12 Proçedura e marrjes së vendimeve nga Asambleja e Përgjithshme e Ortakëve pa zhvilluar paraprakisht procedurat e mbledhjeve të zakonshme apo jashtëzakonshme, mund të zbatohet vetëm në rast se vendimi për të cilin po kërkohet vota e anëtarëve të Asamblesë plotëson në mënyrë cumulative kushtet e mëposhtme:

- (1) të gjithë anëtarët e Asamblesë së Përgjithshme të Ortakëve janë dakord paraprakisht për zhvillimin e kësaj procedure në rastin konkret;
- (2) proçedura ka të bëjë me marrjen e një vendimi në lidhje me ndonjë prej çështjeve të përcaktuara në pikat (10), (11), (12) dhe (13), të pikës 12.1, të nenit 12 të këtij Statuti.

14.13 Nga moment i inicimit të proçedurës së nënshkrimit nga Ortakët të draft vendimit të propozuar, e deri në momentin e hyrjes së tij në fuqi, secili prej Ortakëve (apo përfaqësuesit e tyre me prokurë) ka të drejtë që të anulojë proçedurën e iniciuar të marrjes së vendimit nga Asambleja e Përgjithshme e Ortakëve pa u zhvilluar paraprakisht procedurat e mbledhjeve të zakonshme apo të jashtëzakonshme, mjafton që gjatë kësaj periudhe ai të:

- (1) të bëjë shënimin përkatës në draftin e paraqitur për nënshkrim; apo
- (2) të njoftojë, në çfarëdolloj forme, në lidhje me këtë vendim/qëndrim të tijin anulues, proçezuesit e draftit, dhe anëtarët e tjerë të Asamblesë së Përgjithshme të Ortakëve."

Mosmarrja/mosdhënia e nënshkrimit nga ana e anëtarëve të Asamblesë së Përgjithshme të Ortakëve (apo përfaqësuesve të tyre me prokurë), në lidhje me draft vendimin e propozuar, do të konsiderohet gjithmonë si refuzim nga ana e tyre i draft vendimit të propozuar.

Neni 15 Administratorët

- 15.1 Administratorët e Shoqërisë emërohen me unanimitet votash të të gjithë anëtarëve të Asamblesë së Përgjithshme të Ortakëve, për një mandate 5 (pesë) vjeçar me të drejtë të pakufizuar rizgjedhjeje. Administratorët e Shoqërisë mund të shkarkohen nga Asambleja e Përgjithshme e Ortakëve në çdo kohë, me apo pa arsye, me shumicë të zakonshme të votive të të gjithë anëtarëve të Asamblesë së Përgjithshme të Ortakëve, dhe në rastin kur Shoqëria ka vetëm 2 (dy) Ortakë me votën e njërit prej tyre.
- 15.2 Administratorë të Shoqërisë do të jenë presonat si më poshtë:
- (1) z. Adrian MITROVASILI, shtetas Shqiptar me zotësi të plotë juridike për të vepruar, i lindur më datë 04.10.1976 në Tiranë, Shqipëri; banues në adresën "Rr. Frosina Plaku", pallati 21, ap. 13; mbajtësi i Letërnjoftimit me Nr. 035248500
- 15.3 Secili prej Administratorëve të Shoqërisë ka të drejtën dhe detyrimin që të përfaqësojë dhe menaxhojë Shoqërinë, me fuqi të plotë dhe në mënyrë të pavarur, brënda kompetencave të deleguara nga Asambleja e Përgjithshme e Ortakëve, ky Statut, dhe kuadri përkatës rregullator në fuqi në Republikën e Shqipërisë.

Neni 16 Kompetencat dhe përgjegjësit e Administratorëve

- 16.1 Administratorët e Shoqërisë, sipas ndarjes së kompetencave të bera nga Asambleja e Përgjithshme e Ortakëve, dhe në përputhje dhe në zbatim të: vendimeve të Asamblesë së Përgjithshme të Ortakëve, përcaktimeve të bëra në këtë Statut, si dhe legjislacionin përkatës rregullator në fuqi në Republikën e Shqipërisë; kanë për kompetencë dhe përgjegjësi:
- (1) të përfaqësojë Shoqërinë dhe nënshkruajnë dokumente në emër të saj, ndaj çdo entiteti shtetëror apo privat, fizik dhe/apo juridik, brenda apo jashtë territorit të Republikës së Shqipërisë;
 - (2) të menaxhojnë dhe mbikëqyrin aktivitetet dhe asetet e Shoqërisë nën kompetencën e tyre, si dhe të vënë në zbatim politikatat e biznesit të Shoqërisë të miratuara nga Asambleja e Përgjithshme e Ortakëve;
 - (3) të kujdesen që Shoqëria dhe nëpunësit e saj të zbatojnë me korrektësi kuadrin përkatës rregullator në fuqi në Republikën e Shqipërisë;
 - (4) të informojnë rregullisht të gjithë Ortakët e Shoqërisë në lidhje me ecurinë e veprimtarisë së Shoqërisë dhe në bazë të kërkesës së tyre tu vendosin në dispozicion çdo informacion dhe dokumentacion, shkresor apo elektronik, pa asnjë lloj kufizimi përveç atyre që lidhen me ruajtjen dhe mbrojtjen e një sekreti tregtar të Shoqërisë sipas përcaktimeve të bëra në nenin 18 të Ligjit nr. 9901, datë 14.04.2008 "Për tregtarët dhe shoqëritë tregtare", i ndyrshuar;
 - (5) të hartojnë, aprovojnë dhe më pas të përcjellin për shqyrtim dhe miratim në Asamblenë e Përgjithshme të Ortakëve strukturën organizative të Shoqërisë dhe/apo çdo amendim të saj;
 - (6) të paralajmërojnë në kohën e duhur organet drejtuese të Shoqërisë në lidhje me çdo rrethanë/rrezik/risk që kërcënon seriozisht veprimtarinë e Shoqërisë;
 - (7) të menaxhojnë dhe finalizojnë çdo aspekt procedural/material që ka të bëjë me lidhjen/zbatimin/prishjen e kontratave të punës me punonjësit e shoqërisë nën varësinë e tyre;

- (8) të menaxhojnë dhe finalizojnë çdo aspekt procedural/material që ka të bëjë me lidhjen/zbatimin/prishjen e kontratave të shërbimit me : Partnerët, palët e treta, audituesit, likuiduesit, dhe/apo ekspertët kontabël (nëse ka); pasi të jetë siguruar në çdo rast dhe për çdo fazë dhe miratimi final i Asamblesë së Përgjithshme të Ortakëve.
- (9) të administrojnë protokollin e brendshëm të Shoqërisë, ku përfshihet informacioni protokollar në lidhje me çdo komunikim të brendshëm dhe të jashtëm të Shoqërisë, shkresor apo elektronik;
- (10) të krijojnë/azhurnojnë/administrojnë një regjistër të veçantë ku të evidentohet; nënshkrimi zyrtar (firma), shkrimi i emrit dhe mbiemrit, adresa zyrtare postare, adresa zyrtare e e-mailit, numri zyrtar i telefonit mobile, dhe çdo informacion tjetër i nevojshëm i: anëtarëve të Asamblesë së Përgjithshme të Ortakëve dhe përfaqësuesve të tyre me prokurë; Administratorëve të Shoqërisë; çdo punonjësi tjetër të Shoqërisë me detyra të rëndësishme ekzekutive dhe/apo menaxheriale;
- (11) të krijojnë/azhurnojnë/administrojnë një regjistër të veçantë ku të evidentohen çertifikatat e lëshuara në lidhje me kuotat dhe transferimet që mund ti kenë ndodhur atyre;
- (12) të ushtrojnë çdo kompetencë/përgjegjësi tjetër që i njihet nga kuadri përkatës rregullator në fuqi në Republikën e Shqipërisë dhe/ose ky Statut;
- (13) të hartojnë, aprovojnë duke garantuar cilësinë dhe ligjshmërinë e tyre dhe më pas të përcjellin për shqyrtim dhe miratim në Asamblenë e Përgjithshme të Ortakëve, përpara datës 1 (një) dhjetor të çdo viti; planin e biznesit dhe buxhetin e Shoqërisë për vitin e ardhshëm financiar;
- (14) të hartojnë, aprovojnë duke garantuar cilësinë dhe ligjshmërinë e tyre dhe më pas ta përcjellin për shqyrtim me miratim në Asamblenë e Përgjithshme të Ortakëve, përpara datës 31 (tridhjetë e një) mars të çdo viti; raportin në lidhje me aktivitetin e Shoqërisë nën kompetencën e tyre për vitin e mëparshëm financiar; pasqyrat financiare të Shoqërisë për vitin e mëparshëm financiar; përfitimet dhe humbjet e Shoqërisë për vitin e mëparshëm financiar; raportin e audituesve (nëse ka) për vitin e mëparshëm financiar; inventarin e asetëve dhe detyrimeve të Shoqërisë për vitin e mëparshëm financiar;
- (15) të marrin masa për të siguruar që auditimi i librave dhe it ë dhënave financiare të Shoqërisë të kryhet të paktën një herë në vit nga një ekspert kontabël i miratuar nga Asambleja e Përgjithshme e Ortakëve;
- (16) të nënshkruajnë urdhër pagesat apo çeket apo autorizojnë ngarkimin e shpenzimeve apo pagesat në llogarinë bankare të Shoqërisë dhe/ose vendosjen e garancive;
- (17) të kërkojnë dhe të arketojnë të ardhurat e Shoqërisë dhe të kryejnë depozitime në llogarinë bankare të Shoqërisë;
- (18) të hapin llogari bankare dhe/ose të transferojnë fondet ndërmjet lloharive bankare të Shoqërisë dhe/ose llogarive bankare të Shoqërisë dhe çdo pale të tretë; pasi të jetë siguruar në çdo rast dhe për çdo fazë dhe miratimi final i Asamblesë së Përgjithshme të Ortakëve;
- (19) të caktojnë/emërojnë (me prokurë) dhe/apo pezullojnë/shkarkojnë/tërheqin (me vendim) personat e autorizuar për të kryer veprime në lidhje me llogaritë bankare dhe kreditë e Shoqërisë-, pasi të jetë siguruar në çdo rast dhe për çdo fazë dhe miratimi final i Asamblesë së Përgjithshme të Ortakëve;

16.2 Në rastet kur Administratorët nuk respektojnë kufijtë e mandatit të tyre, çdo vendimmarrje e tyre dhe çdo veprim i kryer në mosrespektim/shkelje të përcaktimeve të bëra në pikën 14.5, të nenit 14, të këtij Statuti, do të konsiderohet si nul dhe i pavlefshëm, dhe Administratorët do të jenë përgjegjës për çdo pasojë që do të rezultojë nga vendime/veprime të tilla, përfshirë këtu por jo e kufizuar në, përgjegjësinë për dëmet e shkaktuara Shoqërisë, Ortakëve të saj dhe palëve të treta

- 16.3 Autorizimi i Administratorit për të përfaqësuar Shoqërinë mund ti delegohet palëve të treta vetëm me veprime specifike, të mirëpërcaktuara siç përcaktohet në prokurën special apo në rregulloren e brendshme, dhe vetëm brenda kufijve të këtij Statuti dhe me miratimin paraprak të Asamblesë së Përgjithshme të Ortakëve.

KAPITULLI-IV TË TJERA

Neni 17 Viti financiar

- 17.1 Viti ushtrimor fillon në datë 1 (një) janar të çdo viti kalendarik dhe mbaron më datë 31 (tridhjetë e një) Dhjetor të po atij viti, Përfundimisht, viti i parë financiar fillon nga data e regjistrimit të Shoqërisë në Qendrën Kombëtare të Regjistrimit dhe mbaron më datë 31 (tridhjetë e një) Dhjetor të po atij viti.

Neni 18 Pasqyrat vjetore financiare

- 18.1 Pasqyrat financiare të Shoqërisë duhet të përgatiten jo më vonë se 3 (tre) muaj pas përfundimit të vitit financiar.
- 18.2 Administratori/Administratorët kanë detyrimin që ti paraqesin Ortakëve pasqyrat vjetore financiare pa asnjë vonesë dhe menjëherë pas hartimit të tyre duke garantuar cilësinë dhe ligjshmërinë e tyre.
- 18.3 Pasqyrat vjetore financiare pasi miratohen nga Asambleja e Përgjithshme e Ortakëve i përcillen në kohë autoriteteve përkatëse shtetërore financiare nga Administratorët e Shoqërisë, në përputhje me përcaktimet e bëra në kuadrin përkatës rregullator në fuqi në Republikën e Shqipërisë.

Neni 19 Shpërndarja e fitimeve

- 19.1 Vendimet mbi shpërndarjen dhe përdorimin e fitimeve të Shoqërisë merren nga Asambleja e Përgjithshme e Ortakëve.
- 19.2 Shoqëria do të shpërndajë Ortakëve të saj të gjithë fitimet që mund të arrihen pasi të jenë përmbushur të gjitha kërkesat dhe detyrimet në respektim të kuadrit përkatës rregullator në fuqi në Republikën e Shqipërisë.
- 19.3 Ndarja e fitimeve bëhet në të njëjtën kohë për të gjithë Ortakët e Shoqërisë, duke respektuar përqindjet si më poshtë:
(1) z. Ilir KENA - 30 (përqind)
(2) z. Adrian MITROVASILI - 40 (përqind)
(3) z. Anduel Guri - 30 (përqind)

Neni 20
Shpërbërja dhe likuidimi

- 20.1 Shoqëria mund të jetë subjekt i shpërbërjes vetëm në rastet kur:
- (1) një gjë e tillë vjen si domosdoshmëri në zbatim të përcaktimeve të bëra në kuadrin përkatës rregullator në fuqi në Republikën e Shqipërisë;
 - (2) një gjë e tillë vjen si pasojë e vendimmarrjes së Asamblesë së Përgjithshme të Ortakëve.
- 20.2 Shpërbërja dhe likuidimi i Shoqërisë, do të bëhet në përputhje me përcaktimet e bëra në Ligjin nr. 9901, datë 14.04.2008 "Për tregtarët dhe shoqëritë tregtare", i ndryshuar, si dhe kuadrin përkatës rregullator në fuqi në Republikën e Shqipërisë.

KAPITULLI-V
DISPOZITA TË FUNDIT

Neni 21
Zgjidhja e mosmarrëveshjeve

- 21.1 Mosmarrëveshjet ndërmjet Shoqërisë dhe punonjësve të saj do të zgjidhen në përputhje me kuadrin përkatës rregullator të fushës së punësimit në Republikën e Shqipërisë
- 21.2 Mosmarrëveshjet ndërmjet Ortakëve, si dhe ndërmjet Shoqërisë dhe palëve të treta, kur zgjidhja e tyre me mirëkuptim nuk është e mundur, do të zgjidhen nga Gjykata kompetente sipas juridikisionit dhe procedurave të përcaktuara nga kuadri përkatës rregullator në fuqi në Republikën e Shqipërisë apo në kontratat specifike të lidhura me to.

Ky akt themelimi dhe Statut i Shoqërisë, u hartua në 4 (katër) kopje identike në gjuhën shqipe me të njëjtën vlerë juridike, secila prej të cilave u nënshkrua sot më datë nga Ortakët themelues të Shoqërisë.

ILIR KENA



(Emër / Mbiemër / Firmë)

z. Ilir KENA

ORTAKËT:

Adrian Mitrovassili



(Emër / Mbiemër / Firmë)

z. Adrian MITROVASILI

Andrel Guri

(Emër / Mbiemër / Firmë)

z. Andrel GURI